

يحيى أول مايو عيد الخدمة

العامل التونسي

عدد خاص بأول ماي

العدد الثمن: ٢٠م. - ١ ماي ١٩٧١

راسلونا بهذا العنوان:

LIBRAIRIE "NORMAN BETHUNE"

76, BOULEVARD SAINT-MICHEL, PARIS VI

(POUR "TRAVAILLEUR TUNISIEN")

عام كفاح في تونس : الطبقة الشغيلة بدأت تنوض

البوليسية و معاهم الباجي المدير وضمعو الخدمة من الاضراب . و وقع تطريد ٣ عمال لكن العمال الكلل طلبو باش يرجعوهم . و وقع اجتمع في ٦ سبتمبر حضر فيه عاشور باش يهدي الحالة .

ميناء تونس حلق الوادي - نوفمبر ٧٠ : وقع اجتمع في صالة لخبوش حضر فيه ما بين ٤٠٠ و ٥٠٠ دوكار باش يشوفو وين وصلت البحوث التي قاعدن قايمن بيها المشغلين النقابيين مع الشركة التونسية لتفريخ البواخر و الأعمال اليدوية . الخدمة يطالبو بالتفريع في الأجور و دفعان المنح من روين . في الاجتماع هذا الخدمة بدأ يترزرو و يحارضو في الأمين العام متاع النقابة التي حسب يتوهم و قالولو التي حكاية التتويم ما عاشر تاكل - (العامل التونسي عدد ٩)

معمل الورق نهج سيدي البشير - أكتوبر ٧٠ : الادارة متاع ها المعمل طردت شطر الخدمة التي يخدمو في جناح من الجناحات متاع . كثرت الخدمة على العمال . شغل عامل طاح في معخنة متاع ورق و مات . وقع تطلل كبير في المعمل و الخدمة علو اضراب باش من جهة يحتجو على التصرفات متاع المدير و من جهة يساندو اخوانهم عمال سيدي فتح الله التي قايمن باضراب زاده . (العامل عدد ٩)

وزارة الفلاحة . وكالة الاحصاء - أكتوبر ٧٠ : نهار ٥ أكتوبر وقع اضراب مدة نصف نهار في وكالة الاحصاء في وزارة الفلاحة في تونس على خاطر ولى يافع توخير كبير في الخلاص متاع الشهر . العمال عطاو في الأول انذار بوقتي نهار ٢ أكتوبر . وقت التي الادارة ما تحبش تفهم علو الاضراب متاعهم واستجودو على كميون و مشاو للادارة متاع الوكالة التي تخدّم فيهم في ساحة الحكومة . ومن غدوة الخدمة خلصو الكلل . (العامل عدد ٩)

السهوية : ديسمبر ١٩٧٠ : الفلاحة الفقاري متاع هنشير يد "تقيم" بخذ السهوية شدو صحيح ثلاثة أيام : نهار ٩ و ١٠ و ١١ ديسمبر ضد الحرس و البوليس و المسكر التي جاو باغن يخرجوهم من الهنشير باش يحطيو لمائلة كبيرة اقطاعية يقولولها عائلة المجدوب . ها الفلاحة الصغار الفقاري (الهيئة في الصفحة الثانية)

و جيشو المهندس . و تشدو ١٢ خدام و تربطو في الحبس .

جويلية ٧٠ - مركز سيدي ثابت متاع تربية الحيوانات : الحالة متاع خدماة المركب زادت فسدت على قبل . ما يزيش اللي الدنيا غلات زيد الأجور متاع الخدمة زادت نقصت نقابة الفلاحة فيها بعض مسؤولين نزهها . يدافعو بالحق على مطالب العمال التي هي (١) الاعتراف بالتخصص (٢) اعتبار كل خدام كعامل دولي (٣) المنحة العائلية و منحة الأقدمية و التقاعد و منحة المرض (٤) التنقيص في سوايح الخدمة (٤٨ ساعة في الجمعة) . مدير المركز وقف مندوب النقابي لمدة ٣ أيام . لكن نقابة الفلاحة تدخلت و رجعتو وقت جا . يرجع سي المدير هددو باش يطرده مدة شهر على خاطر مشي يشككي للنقابة . و زاد المدير بسمند مندوب آخر على بقعة الخدمة متاعو . و طرد ٥ عمال و لقيين . قدام ها العمال الظالمة طلبو الخدمة باش يحملو اجتمع بالنقابة لكن "ميلاد بوربيع" الكاتب العام خاف من جماعة سيدي ثابت و حب بوخر الاجتماع . لكن الاجتماع وقع و صوتو الخدمة على لائحة استنكار لتصرفات بوربيع و لأعمال الادارة (اقرأ عدد ٦)

شركة النقل جوان ١٩٧٠ : ١٦ جوان ثمة عامل مات في حادث عمل . الشركة تهيبت خدام يكونو هو مسؤول باش تخرج ممن المسؤولية . أصحابو الكلل وقو و جاؤ معاه . الاتحاد العام و ادارة الشركة عيطو للبوليسية . البوليسية السطري دخلو للمعمل و بسداو يفترقو ما بين الخدمة . لكن الخدمة كان ناقصهم تنظيم و الحركة متاعهم ما مشاتش لمعيد .

معمل الفولان - أوت ٧٠ : العمال ما يخلصوش مليح و الادارة ديه تقصق في السوايح و ما تخلصش في السوايح الزائدة . قبل العيد العمال تغلبو على الادارة و الوالي و جبروهم باش يعطيوهم تسهقة للمعيد الكبير و هددو باش يتظاهرو في وسط البلاد .

و في شهر أوت العمال بعثو جواب للاتحاد يطالبو فيه بزيادة الأجور و تفاهمو باش يعملو اضراب نهار ٢٠ أوت . و نهار ٢٠ أوت قبل ما تجي الخدمة جباو

بمناسبة أول ماي مات نستعرضو ما قامت به الطبقة الشغيلة من كفاح في العام اللي فات باش نشوفو وين وصلنا .

شومينو سيدي فتح الله

سبتمبر ٦٩ : تلمو ما يقرب من ١٠٠٠ عامل في سيدي فتح الله و ركبو في تريفو و مشاو للعاصمة يحتجو على الاتحاد العام التي ما دافعو على المطالب متاعهم . ومن بعد مشاو لادارة الشومينو و قدمو مطالبهم . المدير بركولهم و قالهم موش ممكن نحققو اليوم ها المطالب على خاطر القيضات و يلزمكم تستأو شوية لتحسن الأمور .

جانفي ٧٠ : استأو الخدمة لآخر العام و في ٩ جانفي ٧٠ علو اضراب و تظاهر و مرة أخرى و هبطو للعاصمة و قرزو باش يشيو لعصر الحكومة باش يحتجو . لكن جاهم الصادق بن جمعة و وعدهم باش يحققهم المطالب متاعهم في أجل ١٥ يوم .

في ٢٢ ماي ١٩٧٠ : عطاو الخدمة انذار لادارة الشركة باش تلبس المطالب متاعهم و باش ترجعلهم المنحة الفنية التي هي حق من حقوقهم و التي قصوها عليهم من عام ١٩٥٦ . و تدخل الحبيب عاشور بنفسو باش يهدي الحالة و يوعد كيما المادة الخدمة

٢٢ أكتوبر ٧٠ : الحالة متاع العمال قدمت هي هي . كيف تراؤ العتال التي وعسو د الحكومة كلام و قرزو الريح علو اضراب كبير مدة ٥ أيام . بدا الاضراب نهار ٢٣ أكتوبر ١٩٧٠ و لم ٢٠٠٠ عامل . الشومينو احتلو بقعة الخدمة متاعهم و عمال رديسو فرحات حشاد احتلو الدبو . و في مدة الاضراب حا ولت الحكومة باش تقمع الخدمة و بعثت البوليسية السطري و الأعوان متاعها باش يتجوسو على العمال و يفرقو ما بيناتهم و كيف ما نجحتش بعثت في آخر الاضراب البوليسية و الحرس و احتلو المعمل و هددو الخدمة باش يفكو من الاضراب . و تشد عدد كبير من الخدمة و تشدأو على الحكمة . (اقرأ العامل التونسي عدد ٧ و عدد ٨)

تضامن من شومينو صفاقس : وقت التي سمعو شومينو صفاقس بها الاضراب متاع أصحابهم في سيدي فتح الله قرزو باش يساندوهم و يعملو مظاهرة في الشارع نهار الخميس ٢٩ أكتوبر مع ماضي ساعتين لكن الحكومة سمعت و جابت القوة متاعها بوليسية و حرس و سركتت العمال متاع التصليح و نعمت العمال باش يتظاهرو . (العامل التونسي عدد ٨) اضراب عمال الشركة القومية للنقل تونس صفاقس . فيفري ١٩٧٠ -

قامو عمال الشركة القومية للنقل باضراب في وسط فيفري و طالبو باش المسؤوليين يحبشيو وسائل الخدمة و باش يتقصو ممن سوايح الخدمة و باش يزيدو في الأجور التي هي ضميعة ياسر .

باجة : أبريل ١٩٧٠ : بعد ما وقع تطريد ٢٥٠٠ عامل فلاح من بين السبعة آلاف خدام في ولاية باجة وقعت في شهر أبريل ١٩٧٠ ثورة صغيرة في فيرمة قامو ال ١٠٠ خدام التي فيها بمظاهرة مدة عشية كاملة

في جميع بلدان العالم يحتفلو الخدمة بنهار "أول مايو" في البلدان الاشتراكية الحرة كيف الصين و فيتنام الشمالي و كوريا و اليابان و غيرها الخدمة يتجمعو في المدن الكبار و يحتفلو بنهار أول مايو بانتصاراتهم على الحكم البورجوازي و يساندو الخدمة متاع الدنيا بكلها في كفاحهم في سبيل تحرير البشرية .

في ياسر بلدان راسمالية الخدمة يتظاهرو نهار أول مايو باش يهدو رواحهم و يقويو عزيمتهم للكفاح ضد الاستغلال . يقول القائل: علاش نهار أول مايو و موش نهار آخر ؟ باش نعرفو الأصل متاع ها العيد لازم نرجعو قرن لتالي :

في نهار أول مايو عام ١٨٨٦ في أمريكا الخدمة متاع "شيكاغو" علو اضرابات كبار ضد الاستغلال الفاحش متاع الراسماليين وقتها . لكن الحكومة الراسمالية أمرت العسكر متاعها باش يطورقو على الخدمة و سال الدم . و ماتو ياسر خدماة . و ها الشئ قوي من عزم الطبقات الشغيلة في أوروبا و أمريكا خاصة . و الخدمة ساندو ها الكفاح التي قامو بيه عمال "شيكاغو" متا ندة كبيرة . و ظهر وقتها التي الخدمة في العالم جملة كتلة وحدة ه لكلمهم يكافحسو باش يوصلو لهدف واحد : تحرير البشرية بكلها من الاستغلال و العبودية . في بلادنا الحكومة الرجعية تلم الخدمة في نهار أول مايو و تعمل ياسر خطابات و وعود كاذبة باش تخدع الطبقة الشغيلة و تنوهمها . لكن شكون ما زال يصدقها ؟ الخدمة في بلادنا هزو من جديد علم الكفاح ضد الاستغلال . التجليل متاع الحكومة ما عاشر يوكل لازما ما لا تزدد نهار أول مايو نهار الخدمة ه نهار كفاح ضد ها الكشة مركانية التي يدجلو علينا و يحتفلو

فيما الاستغلال . تسقط الراسمالية . يحيى كفاح الخدمة في العالم جملة . يحيى نهار أول مايو عيد الخدمة .

اتحدو يا ولاد بلادي مع خدمة كل العالم

يا سيد الاعباد . أول ماي يا العيد العالي . احتفالك في كل بلاد ضد الظالم و الراسمالي .

أول ماي عيد العمال فيه الطبقة المتألمة و قوو في وجه الراسمال و الظالم و البورجوازية و قالو بيزينا استغلال . و رفعو علمهم رفرف عالسي .

أول ماي ما كيفو عيد . في العالم عم احتفالو . الخدمة رفعو البيد . و صاحو للراسمالي و قالو : لا شه مسيو دلا سيد . لا شه غي لا زوالسي .

أول ماي عيد انتصار . انتصاراتو تاريخية . بصد و زنا عارضنا النار . نار قوأت البورجوازية . اتحدنا لردان النار على انهزام عدونا التالسي .

اتحدو يا ولاد بلادي مع خدمة كل العالم . بوق النصر عليكم ينادي . لقهبران الطاغى و الظالم . راهم أنصار الأعادي . مستقبلهم زائل بسالسي .

في هذا العيد المشهور . كلمتنا تكون هي هي . عيد اللي يدبرو عاشور . غاياتو موش عمالية . عيد منظم جور و زور . كيما الزينة في الدار الخالي .

باش ترجع طبقتنا حرة . نتخلص الراسمالية . و باش ترجع تونسنا خضرا . نحررها من البورجوازية . و باش تبقى رايتنا حمرا . بيد مانا نردوها تشالسي .

خدمة بلدية العاصمة يتظاهرو

التظاهرين تهاؤ ما يحطو : الخبز الخبز انا سوتة بالسرلا و هو ما هازين يديهم . و مشاو من بعدها لنهج الحبيب بورقيبة و وقتها جاو برشه كتيونات يميين بالبوليسية السطري باش يقرو الناس و يفترقوهم . - ثمة برشه ناس تشدو . و هاذي أول مظاهرة توقع في قلب العاصمة يقومو بيها الخدمة باش يدافعو على حقوقهم . و اللي طلب حقو ما خاب لازم آخرتها انتصار . الخدام يحطو

نهار الثلاثاء ٢٠ أبريل وقعت مظاهرة قدام البلدية متاع تونس في نهج كرتاج ما بين الساعتين و الأربعة متاع المسقية . تلمو ٦٠٠ متظاهر فيهم تقريبا ١٥٠ خدام يكسو الخدمة الزرقاء و بعض مستخدمين صغار و ناس آخرين جاو معاهم . خدمة البلدية حبو يحتجو في ها المظاهرة هاذية على تطريد عدد كبير منهم و يطالبو زاده بحقوقهم المهضومة . و طلبو ممن الجملة باش الخدمة المطردين ياخذو منحة متاع تطريدهم .

الطبقة الشغيلة التونسية تساند كفاح الشعوب في :

فلسطين

لندوشين

شعب أمريكا

الاستعمار في إفريقيا

من عام 1963 بدأت أمريكا تبيح في الجيوش متاعها للفيتنام الجنوبي ولكن الجيوش متاعها بدأت تغطس حتى للكثومة في لهيب الحرب الشعبية . كانت أمريكا تظن التي بقوتها العسكرية والاقتصادية وبالهيمنة متاعها على الاقتصاد الرأسمالي في العالم تنسج من توتخ شعب صغير و ضعيف . كانت تقول : آسنو هو شعب الفيتنام حتى باش يفلننا أنا أمريكا الملاقة التي وصلت حتى باش نطلع للقوة . ضربة وحدة تحكم فيهم شهر واحد ونقص على الكمشة ثوار التي قاعدين يحشرو في النار . لكن التي يحسب لروحو يفضلو . تراه نشوفو آش عملت جيوش أمريكا من عام 1963 لليوم ؟

أمريكا ولات في الفيتنام تهز رجول تفرق لخرى . ولات كل يوم تزيد في عدد الجيوش متاعها حتى وصل عددهم في عام 1969 أكثر من نصف مليون عسكري والقواعد العسكرية التي عملتهم غادي ولأو ما يتمدوش القبايل التي سبيتهم على الفيتنام سواء في الشمال والى الجنوب فوق ما يتصور العقل والجرائم التي اقترفوها الممكر متاعها المتوحشين ضد الأطفال والنساء والمجازير باش يوذخو الشعب ولات مشهورة في الدنيا كاملة رغم هذا الكل توجلتش أمريكا باش تزحزح ولو شعرة بركة ممن عزيزة الشعب الفيتنامي ؟ أبدا . بالمعكس الشعب الفيتنامي زاد قوت العزيمة متاعه وزاد قوى تمطشو للحرية والكرامة والمعادلة و كرهو للأمبراليين الوحوش . قوات جيش التحرير الشعبي تحصلت على انتصارات كبيرة على جيوش الامبريالية الأمريكية وعلاهم البيوعة و وقوف الشعب الفيتنامي بكلو مع جيش التحرير في الحرب الشعبية هو السلي ضيح صواب الامبراليين التي بداو يتخبطو باش يلو جو كيفاش يخرجو من المارق السلي حصلو فيه من غير ما تصير لهم فضيحة كيما وقع لفرنسا

اللاوس

شعب اللاوس وقواتو المسلحة تجحوا نجاح كبير في المعركة التي خاضوها في جنوب اللاوس . قتلو وجرحو 15 400 عسكري أمريكي و بيوعة و وطحوا أكثر 496 طائرة (كثرتها هليكتر) و كشر و 318 طائرو و 168 دبابة و 144 مدفع و تحصلو على نصيب كبير من طائفوات و دبابات و على 5000 سلاح و على ياسر أوراق و برشة حوايج متاع جيش جرايد "الدستور" خبأو على الشعب التونسي ها الانتصارات الكبار متاع الشعب اللاو . لكن جريدتنا هاذي -العامل التونسي- باش تحاول في المستقبل باش تخبر على الحرب الشعبية التي قاعدين يخوضو فيها شعوب لندوشين الثلاثة (الفيتنام اللاوس والكبودج) و على الانتصارات الكبار متاع ها الشعوب على الامبراليين الامريكان و البيوعة متاعهم .

اليابان

اليابان هو بجانب الامريكان في حرب لندوشين . الحكومة اليابانية عاطية قواعد عسكرية للامريكان . في قاعدة منهم وقع اضراب شاركو فيه 21 000 عامل ياباني كبير طالبو فيه بخروج الامريكان من اليابان . و نهار 15 أبريل أكثر من مليون عامل عملو اضراب و طالبو بزيادة الأجور . وهذا الشيء يدغم كفاح الشعب الثلاثة متاع لندوشين .

الحكومة البرتغالية ما زالت مستعمرة بلدان في إفريقيا . أنقولا والموزمبيق و غينيا بيساو . لو كان موش الامريكان يعاونو في الحكومة البرتغالية راؤ من هاك العام البرتغال طار من إفريقيا . الشعب متاع إفريقيا شدت السلاح باش تحصل على الاستقلال .

في غينيا الحرب بدأت من عام 1961 و اليوم الثوار في يدهم نصف البلاد . في أنقولا الحرب الشعبية بدأت من عام 1961 و اليوم الثلث متاع البلاد صار في يد الشعب .

في الموزمبيق الحرب بدأت عام 1964 و اليوم الخمس متاع البلاد في يد الثوار . في الأراضي المحررة التي في يد الثوار صار الحكم في يد اولاد البلاد و المشية متاع الشعب قاعدة تتحسن . وقت التي الشعب يتكون يدافع على حقوقو لازم ينتصر .

إيطاليا

العمال في ايطاليا يكافحو في الاستقلال متاع البورجوازية و يكافحو في خيانة النقابات و الأحزاب التي زعمة زعمة أحزاب العمال . الطبقة الشغيلة قامت بعدد كبير من الاضرابات باش تدافع على حقوقها و من جملة الاضرابات هاذي اضراب فيفري 1971 :

400 000 عامل في "طورينو" (بلاد كبيرة في ايطاليا) . 330 000 عامل من عمال النسيج . 60 000 عامل من عمال البلاستيك . هك ما يقرب من مليون عامل عملو اضراب نهار 17 فيفري باش يطالبو بحقوقهم . بجانب الاضراب العمال خرجو في الشوارع و عملو مظاهرات و اجتماعات و برهنو على القوة متاع الطبقة الشغيلة . اذا كان النتيجة اليوم موش ظاهرة هذا ما يلزمش يخلينا نظنو التي ما ننجمو نعملو شي . على طوال العمال لازم ينتصرو .

بريطانيا

نهار 15 مارس الفايث مليون و نصف من العمال عملو اضراب في بريطانيا . السبب متاع الاضراب هو التي الحكومة تحب تتسكت الاضرابات في البلاد . الاضراب هذا تكلف بخسارة كبيرة لأصحاب رأس الاموال في بريطانيا . يقولو السلي الاضراب تكلف بخسارة تبلغ 5 ملايين ممن الجنسيات للبورجوازية . و نفهمو علاش حركة الاضرابات سلاح قوى في يد الطبقة الشغيلة : الطبقة بيدها الانتاج ، رأس المال يقمدهم راقدين غير العمال .

الصين تساند كفاح الشعوب في العالم . (ماو)

في الوقت الحاضر في العالم الكل ثمة قوة جديدة تكافح ضد الامبريالية الأمريكية . بعد الحرب العالمية الثانية الامبريالية الأمريكية تقوتها بدأت تشمل في حروب أخرى رجعية و هي ديما على قدام في الوقت نفسو الشعوب متاع مختلف البلدان (والشعب لمريكاني زاده) دخلو في حروب ثورية طويلة باش يمحقو ها التي قاعدين يتعداو على حق الغير . راهو حرب عالمية أخرى ممكن تصيره مالا لازم الشعوب متاع كل مختلف البلدان يحضرو رواجهم لها الحرب . لكن الواجب ما يتبينناش التي في العالم الكل و في الوقت الحاضر الثورة هي الاتجاه الرئيسي . وقت التي الأعداء الامريكان شافو التي هو ما قاعدين يحضرو في الحرب في فيتنام و اللاوس و عملو انقلاب رجعي في

الوقت الحاضر في العالم الكل ثمة قوة جديدة تكافح ضد الامبريالية الأمريكية . بعد الحرب العالمية الثانية الامبريالية الأمريكية تقوتها بدأت تشمل في حروب أخرى رجعية و هي ديما على قدام في الوقت نفسو الشعوب متاع مختلف البلدان (والشعب لمريكاني زاده) دخلو في حروب ثورية طويلة باش يمحقو ها التي قاعدين يتعداو على حق الغير . راهو حرب عالمية أخرى ممكن تصيره مالا لازم الشعوب متاع كل مختلف البلدان يحضرو رواجهم لها الحرب . لكن الواجب ما يتبينناش التي في العالم الكل و في الوقت الحاضر الثورة هي الاتجاه الرئيسي . وقت التي الأعداء الامريكان شافو التي هو ما قاعدين يحضرو في الحرب في فيتنام و اللاوس و عملو انقلاب رجعي في

الشعب في أمريكا يكافح في الطبقة البورجوازية الامبريالية التي تحكم في البلاد و التي تحب تهين على العالم . (1) -الشباب في أمريكا قاعد كل يوم يقصرو . بظاهرات ضد الحرب التي قايم بيها نكسن و جماعتو في لندوشين : و هك نهار 8 أبريل الشبان عملو مظاهرة في "سان فرانسكو" (بلاد كبيرة في أمريكا) ضد ها السياسة الامبريالية متاع نكسن . (2) -النساء قامو بظاهرة نهار 13 أفريل قدام القصر التي يسكن فيه نكسن و طالبو بتوقيف الاعتداء الامريكاني في لندوشين . النساء عندهم حتى كيف ما عاشر يحو اولاده يموتو هك في الفارغ . الحرب هاذي ما تساعد كان رؤوس الاموال في أمريكا ه أما الشعب ما يلحقو كان الموت . (3) -الأفارقة الامريكان يعنى السود الامريكان قامو بحركات سخونة ضد النظام الامبريالي في أمريكا . في 20 مارس الفايث آلاف منهم و من الامريكان البيض اليد في اليد نظمو مظاهرة كبيرة ياسر ضد البطالة و التمييز العنصري و خاصة ضد التي يقولو السلي الصعوبات الاقتصادية الأفارقة الامريكان هو ما سببها .

بولونيا زعمة زعمة بلاد اشتراكية . الحكم فيها زعمة زعمة في يد الطبقة الشغيلة . لكن في الواقع ثمة بورجوازية جديدة فكّت الحكم تحت حس من كيف ما في روسيا . طول شهر ديسمبر الفايث العمال عملو مظاهرات و احتلو المعامل خاصة في مدينة "فدانسك" و تصادمو مع البوليس تقول عليهم في بلاد رأسالية . هك نراو التي الطبقة الشغيلة في بولونيا فاقت التي البورجوازية الجديدة هاذي ما هي في الحقيقة كان عدوة الشعب .

ساكين و عايشين من ها الهنشير توه عشرين سنا و عائلة المجدوب شكات بهمهم والحكمة البورجوازية صدرت عليهم الحكم بالخروج . الفلاحة قالو لا . ما نخرجوش من أرضنا لكن بعد أيام جاو البوليسية و شدو 4 من ناس زعمة زعمة مشوشين . وفي نهار 9 ديسمبر جاو الحرس باش "ينظفوا" القرية لكن الميكان الكل وقفو كيما الرجال الواحد و دانصرو على رواجهم في حماس خارق للمادة . ثمة مرا كبيرة يقولوها "أم منا" عمرها 60 سنا ماتت تحت الضرب . نهار 10 ديسمبر رجمو حرس آخرين و معاهم المسكر باش يواصلو القمع متاعهم لكن الفلاحة أظهرت شجاعة و عزيمة كبيرة و الحرس ما نجمو يدخلو للقرية كان نهار 11 ديسمبر . يمياث واحد تشد و زعمة زعمة هو ما رأس الفتنة .

العنصرية في فرنسا

العنصرية في فرنسا بدأت تهز في رأسها من جديد . نهار الخميس 22 أبريل معاه الظهر في "افرى" خدام من شمال إفريقيا اسمو "بكار أفلة" لوتو الميزيرية حتى هك حكة متاع لحم من حانوت RBPAS PARISIENS باش ما يموتش بالشر . فاقو بيه البوليسية الفرنسيين و هجوم عليه و بعد ما ضربه كيما حبو حتى واحد منهم فرد متاعو و فزقو فيه . ها الجريمة التي قامو بيها البوليسية العنصريين الفرنسيين ما لازم تكون حاد و تعدى . لازمنا نقديو يقاتر خونا بكار و نوحدو صفوفنا باش نكافحوا ضد العنصرية .